

# Nunat tamat akornanni uumasut nujuartat aamma nunami naasut nungutitaanissamut ulorianartorsiortitaasut niuerutigineqartarnerat pillugu isumaqatigiissut (Washington-imi isumaqatigiissut/CITES) 3. marts 1973-imeersoq tunngavigalugu uumasut nujuartat aamma nunami naasut il.il. anninneqartarnerat eqqunneqartarnerallu pillugit Namminersornerullutik Oqartussat nalunaarutaat

Pinngortitamik illersuineq pillugu Inatsisartut inatsisaat nr. 29, 18. december 2003-meersumi § 35, § 49, § 51, § 60, imm. 2 aamma §§ 61 – 62 naapertorlugit uku aalajangersarneqarput:

## *Atuuffi aamma taaguutinut nassuaatit*

**§ 1.** Nalunaarut uumasunut aamma naasunut, kiisalu taakkua ilamernginut aamma taakku-nannga nioqquessianut atuuppoq, Washingtonimi isumaqatigiissut/CITES malillugu allattuiffinni I, II imaluunniit III-mi allassimasunut.

*Imm. 2.* Nalunaarut Kalaallit Nunaata nunataanut imartaanullu atuuppoq.

**§ 2.** "Annisseqqittarneq" nalunaarummi matumani ima paasineqassaaq pigisanik siusinnerusukkut Kalaallit Nunaannut eqqunneqarsimasunik annissinertut.

*Imm. 2.* "Immikkoortoq" nalunaarummi matumani ima paasineqassaaq; uumasut aamma naasut, kiisalu taakkua ilamerngi taakkunanngalu nioqquessianat tamarmik, Washingtonimi isumaqatigiissut/CITES malillugu allattuiffinni I, II imaluunniit III-mi nalunaarsorneqarsimasut.

*Imm. 3.* "Inuttut nammineq pigisat aamma pequtit" ima paasineqassapput; immikkoortut inuup nammineerluni pigisai, taakkulu eqquassinermi, annissinermi imaluunniit annisseqinnermi inuup nalinginnaasumik pigisarai pigisaralugilluunniit aalaakkaanngitsut aamma eqquassinermut, annissinermut annisseqqinnermulluunniit atatillugu nassatarineqartut atorneqartulluunniit inuttut nammineq nassatarisaniitinneqartut imaluunniit pequtit nuunneqartut ilaat. Immikkoortut niuernikkut iluanaaruteqarnissaq anguniarlugu atorneqartut, tuniniagassanngorlugit toqqortarineqartut, tuniniagassanngorlugit assartorneqartut, niuerutigineqarnissaat siunertaralugu saqqummersinneqartut, suliarineqarnissaat siunertaralugu assartorneqartut imaluunniit tunissutissatut siunertanut atorneqartut, inuttut nammineq pigisatut imaluunniit pequtitut isigineqasanngillat.

### *Eqqussinissamut akuersissutit*

**§ 3.** Uumasut aamma naasut, kiisalu taakkua ilamerngi aamma taakkunannga nioqquissiat tamarmik, Washingtonimi isumaqtigiius/CITES malillugu allattuiffinni I, II imaluunniit III-mi nalunaarsorneqarsimasut Kalaallit Nunaannut eqqunneqarsinnaanngillat Avatangiisinut Pinngortitamullu Pisortaqarfik akuersissuteqqaartinnagu.

*Imm. 2.* Eqquissinissamut akuersissuteqartoqarnissaanik qinnuteqaateqartoqassaaq immikkut immersuiffissami Avatangiisinut Pinngortitamullu Pisortaqarfimmit tunniunneqartumi.

*Imm. 3.* Eqquissinissamut akuersissuteqartoqarnissaanik qinnuteqaateqarnermi CITES malillugu annissinissamut akuersissut sukumiisoq, CITES malillugu annissinissamut upernarsaat, CITES malillugu annisseqqinnissamut akuersissut imaluunniit CITES malillugu annisseqqinnissamut upernarsaat taakkuluunniit assilineqarnerat nunamit annissiffiusussamit tunniunneqarsimasoq ilangunneqassapput.

*Imm. 4.* Avatangiisinut Pinngortitamullu Pisortaqarfik eqquissinissamut akuersissuteqarnissamut qinnuteqaammut itigartitsilluni nalunaaruteqarsinnaavoq, eqquissinissaq Washingtonimi isumaqtigiius/CITES malillugu aalajangersakkanut akerliuppat, imaluunniit kingusinnerusukkut tuniniaaneq aamma annisseqqiineq Washingtonimi isumaqtigiius/CITES malillugu aalajangersakkanut tunngatillugu nalorninermik kinguneqassasoq nalilerneqarpat.

*Imm. 5.* Ilangaaserisut nakkutiliineranni imm. 1-im iamma imm. 3-mi akuersissutit taaneqartut takutinnejassapput.

*Imm. 6.* Avatangiisinut Pinngortitamullu Pisortaqarfik allanik nalunaaruteqarsimatinnagu akuersissutit allaqqaakkat taamaallaat atutissapput.

**§ 4.** CITES malillugu eqquissinissamut akuersissut qaammatini arfinilinni atuuffeqarpoq.

*Imm. 2.* CITES malillugu eqquissinissamut akuersissutit kalaallit oqartussaasuinut tunniunneqartut, piffissap atuuffiusup naannginnerani atorneqanngitsut piffissap atuuffiusup naareernerani kingusinnerpaamik ullut qulit qaangiunneranni Avatangiisinut Pinngortitamullu Pisortaqarfimmut utertinneqassapput.

### *Annissinissamut akuersissutit aamma annisseqqinnissamut akuersissutit*

**§ 5.** Uumasut aamma naasut, kiisalu taakkua ilamerngi aamma taakkunannga nioqquissiat Washingtonimi isumaqtigiius/CITES malillugu allattuiffimm I-im i nalunaarsorneqarsimasut anninnejarsinnaanerat aamma anniseqqinnejarsinnaanerat inerteqquaavoq.

*Imm. 2.* Imm. 1-im i inerteqquaagaluartoq Avatangiisinut Pinngortitamullu Pisortaqarfik annissisinnanermut imaluunniit anniseqqissinnaanermut akuersinerminik nalunaaruteqarsinnaavoq, imatut pisoqartillugu:

1) Immikkoortoq anninniarneqartoq imaluunniit anniseqqinniarneqartoq isumaqtigiiussummut naapertuttumik uumasuutigineqartumit nagueqarpat imaluunniit uumasuutigineqarpat.

2) Immikkoortoq anninniarneqartoq imaluunniit anniseqqinniarneqartoq naasumit allanngortitamit nagueqarpat imaluunniit naasuuppat allanngortitaq.

3) Immikkoortoq 24. oktober 1977 sioqquillugu Kalaallit Nunaannut eqqunneqarsimappat.

4) Immikkoortoq Kalaallit Nunaanni pinngooqqaarfepat, pinngooqqaarneralu 24. oktober 1977 sioqquillugu pisimalluni.

5) Immikkoortoq ilisimatusarneq ilinniartitaanerluunniit siunertaralugu saqqummersitsinernulluunniit atatillugu anninnejassappat anniseqqinnejassappalluunniit.

6) Immikkoortoq anninniarneqartoq imaluunniit anniseqqinniarneqartoq pequtit nuunneqarnerannut ilaappat, inatsisillu naapertorlugin pigineqalersimalluni.

**§ 6.** Uumasut aamma naasut, kiisalu taakkua ilamerngi aamma taakkunanga nioqqtissiat Washingtonimi isumaqatigiissut/CITES malillugu allattuiffinni II-mi imaluunniit III-mi nalunaarsorneqarsimasut taamaallaat anninnejarsinnaapput anniseqqinnejarsinaallutillu, annissiartoq siumoortumik Avatangiisinut Pinngortitamullu Pisortaqaqrifimmit akuersissummik pissarsisimappat.

**§ 7.** Eqquassinissamut akuersissuteqartoqarnissaanik qinnuteqaateqartoqassaaq immikkut immersuiffissami Avatangiisinut Pinngortitamullu Pisortaqaqrifimmit tunniunneqartumi.

*Imm. 2.* Avatangiisinut Pinngortitamullu Pisortaqaqrifik annissinissamut akuersissuteqarnissamut qinnuteqaammut itigartitsilluni nalunaaruteqarsinnaavoq, annissinissaq Washingtonimi isumaqatigiissut/CITES malillugu aalajangersakkanut akerliuppat.

**§ 8.** Avatangiisinut Pinngortitamullu Pisortaqaqrifik kingumoortumik CITES malillugu annissinissamut akuersissummik tunniussisinnaavoq, uppernarsarnejarsinnaappat immikkoortoq inatsisit naapertorlugin pigineqalersimasoq, annissiartoq pisuussuteqarani iliuuseqarsimasoq, aamma nunap eqquissiffiginiakkap CITES malillugu oqartussaasui eqqussineq akueriniarlugu siumoortumik nalunaaruteqarsimappata.

**§ 9.** CITES malillugu annissinissamut akuersissut qaammatini arfinilinni atuuffeqarpoq.

*Imm. 2.* CITES malillugu annissinissamut akuersissutit aamma anniseqqinnissamut akuersissutit kalaallit oqartussaasuinit tunniunneqartut, piffissap atuuffiusup naannginnerani atorneqanngitsut piffissap atuuffiusup naareernerani kingusinnerpaamik ullaq qulit qaangiunneranni Avatangiisinut Pinngortitamullu Pisortaqaqrifimmut utertinneqassapput.

*Immikkut takornarianut CITES malillugu annissinissamut akuersissutit*

**§ 10.** Avatangiisinut Pinngortitamullu Pisortaqaqrifik takornariat inuttut nammineq pigisaminnik annissinerannut atatillugu Washingtonimi isumaqatigiissut/CITES malillugu allattuiffinni II-mi aamma III-mi ilaasunik annissinissaannut CITES malillugu annissinissamut immikkut akuersissutinik tunniussisinnaavoq.

*Imm. 2.* Suliffeqarfut aamma inuussutissarsummik ingerlatsisut Avatangiisinut Pinngortitamullu Pisortaqaqrifup akuersissuteqarneratigut imm. 1-imti taaneqartunik CITES malillugu annissinissamut immikkut akuersissutinik immersuinissamut uppernarsaasernejarsinnaapput.

*Imm. 3.* Avatangiisinut Pinngortitamullu Pisortaqaqrifik uppernarsaatinut imm. 2-mi taaneqartunut erseqqinnerusumik piumasaqaatinik aalajangersaassaaq.

*Imm. 4.* Avatangiisinut Pinngortitamullu Pisortaqaqrifik CITES malillugu annissinissamut immikkut akuersissutinik suliarinninnissamut akiiliuteqartitsisinnaavoq.

**§ 11.** Piumasaqaatitut aalajangersakkanik unioqqtitsineq, § 10, imm. 3 takuuk, takornarianut CITES malillugu annissinissamut immikkut akuersissutinik immersueqqissinnaanermut uppernarsaatip arsaarinnissutigineqarneranik kinguneqarsinnaavoq.

*Niuerneq pillugu aalajangersakkat*

**§ 12.** Pinngortitamik illersuineq pillugu Inatsisartut inatsisaat nr. 29, 18. december 2003-meersoq naapertorlugu immikkoortut uumasunit eqqissisimatitaalluinnartuneersut nioqqtigineqarnissaat inerteqquaavoq.

*Imm. 2.* Avatangiisinut Pinngortitamullu Pisortaqaqrifik uumasunik eqqissisimatitaalluinanngitsunik

nioqquteqarnissamut inerteqquteqarsinnaavoq, tamakku Washingtonimi isumaqtigiissut/CITES malillugu allattuiffinni I-imi ilaappata.

**§ 13.** Immikkoortunik inatsisinik unioqqutitsilluni eqqunneqarsimasunik tuniniaaneq imaluunniit tuniniaanissaq siunertaralugu toqqortaqaarneq inerteqqutaapput.

**§ 14.** Immikkoortut Washingtonimi isumaqtigiissut/CITES malillugu allattuiffinni I, II III-milu ilaasut tuniniarneqarneranni ilanngaaserisutut oqartussaasunut upternarsarneqarsinnaassaaq immikkoortut tuniniagassanngortinnejartut imaluunniit tuniniaanissaq siunertaralugu toqqortarineqartut inatsisit malillugit pissarsiarineqarsimasut.

*Inuttut nammineq pigisat aamma pequitit*

**§ 15.** Inuttut nammineq pigisat aamma pequitit nalunaarummi § 3, imm. 1-imi, § 5, imm. 1-imi aamma § 6, imm. 1-imi maleruagassanut ilaatinneqanngillat.

*Imm. 2.* Immikkoortut Washingtonimi isumaqtigiissut/CITES malillugu allattuiffimmi II-mi imaluunniit III-mi ilaasut inuup nunagisatut angerlarsimaffiata avataani pigineqalersimappata, imm. 1 taamaallaat atuutissaaq immikkoortoq CITES malillugu annissinissamut akuersissummik, CITES malillugu annisseqqinnissamut akuersissummik imaluunniit CITES malillugu annisseqqinnissamut upternarsaammik nunamit immikkoortup pigineqalerfianeersumik ilaqtinneqarpat.

*Imm. 3.* Imm. 1 immikkoortunut Washingtonimi isumaqtigiissut/CITES malillugu allattuiffimmi I-mi ilaasunut atuutissanngilaq, immikkoortoq inuup nunagisatut angerlarsimaffiata avataani pigineqalersimappat.

*Imm. 4.* Imm. 1 immikkoortunut suliarineqarsimanngitsunut atuutissanngilaq, najugarisamit nutsertoqarnera pineqartinnagu.

*Imm. 5.* Najugarisamit nutsernermut atatillugu imm. 1 immikkoortunut Washingtonimi isumaqtigiissut/CITES malillugu allattuiffimmi I-mi ilaasunut atuutissanngilaq.

*CITES malillugu annissinissamut akuersissutit atsiornissaannut allanut upternarsaasiisarneq*

**§ 16.** Avatangiisutut Pinngortitamullu Pisortaqarfik inunniq CITES malillugu annissinissamut akuersissutit atsiornissaannut upternarsaasiisinnaavoq.

*Imm. 2.* Avatangiisutut Pinngortitamullu Pisortaqarfik inunniq upternarsaasiinermut atatillugu piumasaqaatinik erseqqinnerusunik aalajangersaasinnaavoq, taamatuttaaq akuersissutit nalunaaruteqartarnerullu atorneqarnerat pillugu.

**§ 17.** § 16, imm. 2 malillugu piumasaqaatitut aalajangersakkat eqquutsinneqannginnerat upternarsaatip arsaarinnissutigineqarneranik kinguneqarsinnaavoq.

*Ilisimatuutut oqartussaasut*

**§ 18.** Kalaallit Nunaanni Pinngortitalerifikk Washingtonimi isumaqtigiissut/CITES naapertorlugu Kalaallit Nunaanni ilisimatuutut oqartussaataassaaq.

*Imm. 2.* Avatangiisutut Pinngortitamullu Pisortaqarfik CITES malillugu akuersissuteqartoqarnissaanik qinnuteqaatit tamaasa ilisimatuutut oqartussaasunut oqaaseqarfingineqarnissaat siunertaralugu saqqummiuttarsinnaavai.

*Imm. 3.* Umasoqatigiinnut aalajangersimasunut tunngatillugu nunat tamalaat taakkuluunnit immikkoortuisa, taamatuttaaq IWC, NAMMCO, JCBN aamma Oslomi isumaqtigiissut eqqarsaatigalugit,

isumaqatigiissuteqarfigisimasaannut tunngatillugu siunnersuisoqarsimatillugu siunnersuinerit taamaattut ilisimatuutut oqartussaasut oqaaseqaateqarneranni najoqqutarineqarsimassaaq.

**§ 19.** Ilisimatuutut oqartussaasut suliamut tunngatillugu pisariaqartinneqartutut suliamik ilisimanninngippata Avatangiisinut Pinngortitamullu Pisortaqaifiup apeqqutit ilisimatusarnermut tunngasut allanut suliassanngorlugit ingerlateqqissinnaavai.

#### *Nakkutilliineq*

**§ 20.** Akileraartarnermi Pisortaqaifiup nalunaarummi matumani aalajangersakkat eqqussinermi annissinermilu malinnejarnissaat nakkutilliisuuffigissavaa. Avatangiisinut Pinngortitamullu Pisortaqaifiuk taamatut nakkutilliinermut suleqataasinnaavoq.

#### *Aalajangersakkanik atuuttunik nalinginnaasunik atuutsitsinngissinnaaneq*

**§ 21.** Avatangiisinut Pinngortitamullu Pisortaqaifiuk, Washingtonimi isumaqatigiissut/CITES malillugu aalajangersakkat nunallu allat naalagaaffimmik tamakkununnga tunngasuni inatsisaat mianeralugit, nalunaarummi matumani §§ 3 – 4, § 5, imm.1, § 6, § 7, imm.1 aamma § 9-p atuutinnginnissaannut akuersissuteqarsinnaavoq.

#### *Pineqaatissiisarneq*

**§ 22.** § 3 imm. 1 aamma imm.5, § 4, imm.2, § 5, imm.1, § 6, § 9, imm.2, § 13 aamma inerteqqummik § 12, imm. 2 malillugu nalunaarutigineqartumik unioqqutitsinerit akiliisitsinermik kinguneqarsinnaapput.  
*Imm. 2.* Taamatuttaaq arsaarinnittarneq pillugu pinerluttulerinermut inatsimmi maleruagassat atorneqarsinnaapput.  
*Imm. 3.* Immikkoortunik nalunaarut manna naapertorlugu arsaarinnissutigineqartunik assartuinermut, utertitsinermut, toqqortarinninnermut, isumaginninnermut paarsinermullu atatillugu aningaasartuutit eqqussisup annissisulluunniit nunatsinneersup akisussaaffigissavai.

#### *Aalajangersakkat allat*

**§ 23.** Washingtonimi isumaqatigiissut/CITES malillugu aalajangersakkat naapertorlugit Avatangiisinut Pinngortitamullu Pisortaqaifiuk aalajangersaasinnaavoq, siunertanut aalajangersimasunut immikkoortunik nassiussinernut atatillugu immersuiffissanik immikkut ittunik atuisoqassasoq.

*Imm. 2.* Pisortat sullissivii, soqutigisaqaqtigiiiffti inuilluunniit imm. 1 naapertorlugu immersuiffissanik atuisut Avatangiisinut Pinngortitamullu Pisortaqaifimmit taamaaliornissamut akuersissuteqarfigineqassapput, taanna atuinissamut piumasaqaatinik erseqqinnerusunik aalajangersaassalluni.

**§ 24.** Uumasunik nujuartanik nunamilu naasunik, taakkuluunniit ilamernginik aamma taakkunannga nioqqutissianik annissisarneq pillugu aalajangersakkat sukannererusut, inatsisit allat malillugit aalajangersarneqartut, nalunaarummi matumani aalajangersakkatigut taarserneqanngillat.

**§ 25.** Kalaallit Nunaanni imaluunniit taanna aqquaarlugu assartuinermi, aamma uumasunik naasunillu uumasunik nalunaarummi § 1-im iilaatinneqartunik Kalaallit Nunaannut eqqussinermut tassanngaanniilluunniit annissinermut atatillugu assartuinermi, nassiussisarnerit pillugit Washingtonimi isumaqatigiissut/CITES malillugu tunaartarisassani sukkulluunniit atuuttuni tunaartarisassat naamassineqarsimassapput.

**§ 26.** Nalunaarut una atuutilerpoq ulloq 1. november 2004.

*Imm. 2. Peqatigitillugu Namminersornerullutik Oqartussat nalunaarutaat nr. 14, 10. september 1981-imeersoq uumasut nujuartat naasullu qaqtiguleqisut taakkunanngalu tunisassiat taakkualu ilamerngisa Kalaallit Nunaannut eqqunneqartarnerat nuanullu allanut nassiunneqartarnerat pillugu atorunnaarpoq.*

*Namminersornerullutik Oqartussat, ulloq 13. september 2004.*

Jens Napātōk

/

Marianne Jensen

**Namminersorlutik Oqartussat**

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut